

同治常甯志卷三 鄉都

鄉都 市亭 橋渡附

務本鄉縣治東

吉陽鄉縣治南

禮義鄉縣治西 三鄉 舊設

拱極鄉縣治北 一鄉 後增

斛林都縣東四十里

官板都縣東南二十五里

曲潭都縣東北三十五里 石羊都縣南五十里

西陽都縣西二十五里 東塘都縣西二十五里

古江都縣北三十里 新泰都 後增

雍正縣志舊設二十八保六合南塘烏沙長壽枯木板橋黃沙大盛柿冲土墓柳塘查溪磨石小柏大冲百丈大坡護塘渭田宜田南碾溇田火田風背白沙山田土視下液嘉慶縣志以地隘分之各隸於鄉後改為七都

同治常甯志

卷三

鄉都

又增為八都遠近里數依康熙志距城所起為概

中所十所每所十旗 前後左右四所共十一缺無旗

五所九十八旗明洪武七年設隸衡州衛 國朝順治十一年裁所併衛康熙二十八年裁衛歸縣屯糧旗缺所由分也 嘉慶縣志衡州衛明洪武七年以前設十千戶七年更制每衛立千戶所每所正千戶一人副千戶二人鎮撫二人吏目一人丁兵一千一百二十人每百戶領一百一十二人每總旗領五十六人每小旗領十二人給農具使屯以所收入屯倉千戶為之給糧於軍其餘為千戶食然每旗不及三十畝田皆官田不得買賣屯兵子孫欲入縣籍必買民田始得安家必附民籍方可考試此所旗大畧也乃衛在衡州而所在常甯兵丁悉屯田於常甯者蓋洪武三年湖南大遭屠戮調江西戶口安插傳為血徙二十八常甯桂陽遭奉虎滿之亂屠戮又半故有隙地以屯且以捍禦獠人也其所在邑治東明一統志洪武二十八年建今稱所門前又本縣應得百旗今止九十 八旗或因事裁不可考矣



撥人桂陽所五十四戶

謹案故隸衡州衛之所旗屯田在本縣鄉都中雍正十一年撥桂陽所五十四戶入常甯地在舊四鄉八都外市亭

鹽湖市縣東二十五里 梅埠橋市縣東三十里

煙竹湖市縣東三十里

宋劉克莊煙竹鋪詩野迥村疏起暮寒偶逢廢驛卸征鞍主人家比漁舟小客子房如鶴柵寬燈與鄰通眠未易風從隙入避尤難似聞南去加蕭索一夜披衣坐不安

秧田墟市縣東五十里 西嶺墟市縣東五十里

衡頭市縣東五十五里 馬塘鋪市縣東南十五里

客鋪市縣東南二十里 陽隔洲市縣東南七十里

同治常甯志

卷三

市亭

白沙市縣東南九十里 菱源市縣東南七十五里

右東鄉之市

大陂鋪市縣南十里 烏龜山市縣南十五里

朱家橋市縣南三十里 煙竹一名煙江市縣南三十里

段永頊煙江詩近水山多雲近山水多煙江以煙得名不知始何年東坡號蘇海作詩贈廉泉子厚客冉溪溪以愚名焉而我家斯水名贈兩寂然自古忌名高非我不汝憐當時蘇與柳自知傳不傳有煙時有月江心月娟娟有煙亦有風水月風周旋江上有泉因峯適有泉主人居多竹借竹名竹田竹泉聲冷冷澹澹江上煙

冷鋪市縣南二十五里 板橋市縣南二十五里

乾沙江市縣南三十里 荷樹下市縣南五十里

回龍廟市縣南六十里 廟前市縣南六十里

右南鄉之市

藍江市縣西十五里 冷樹園市縣西二十五里

官廳市縣西二十五里 東山市縣西三十里

馬王塘市縣西四十里 洋泉市縣西四十里

雞婆塘市縣西四十里 甘棠凹市縣西五十里

大浦市縣西七十里 洪山觀市縣西南二十五里

江口市縣西北三十里 河洲市縣西北三十里 有雷神廟

同治七年 眾紳募建

右西鄉之市

烏髭山市縣北十里 桐子坪市縣北三十里

同治常甯志

卷三

市亭

三

田尾團市縣北三十里 白公洲市縣北三十里

柏坊市縣北三十五里 蓬塘洲市縣北三十五里

煙洲市縣北五十里 大漁灣市縣北五十里

松柏市縣北六十里 有救嬰堂

右北鄉之市

挂榜亭縣署頭門外今圯 嘉慶縣志

旌善亭申明亭縣署頭門外明萬曆六年知縣吳景明

建 明制凡有小善邑宰揭姓名於旌善亭以獎之民有小訟邑宰剖斷於申明亭當可而止 嘉慶縣志

勸懲亭縣署屏牆外明萬曆二十四年知縣陳勳合旌

善申明二亭為之今圯

中懸二匾曰流芳百世曰遺臭萬年列善人四名黃帆聶廷鳳

夏應松劉瑜 國朝增善人
一名吳宗孔 嘉慶縣志

演武亭北關外教場坪屋三間外地長八十六丈寬五
十一丈東南抵河西北抵田內水塘公三分之二 嘉慶縣志

接官亭北關外五里明萬曆三十九年本府推官署縣

事李汝登建 雍正縣志

國朝同治七年歐陽煥歐陽其顯重建

憩亭縣北十五里洪瀟橋上順治九年知縣朱瑛建後

火康熙八年知縣張問明重建今圯 嘉慶縣志

八一亭縣南二十五里監生曹應燦為母建 嘉慶縣志

玉泉茶亭縣南三十里公捐田施茶

同治常甯志 卷三

市亭

四

石盤鋪茶亭縣南四十里監生蕭作霖建捐田四畝零

聯芳茶亭縣南五十里彌勒鋪例貢李世功兄弟建捐

田為暑施茶夜施燭之費

甯西亭縣西三里文家橋側同治六年文生李鎮南監

生鄧瑞南募眾重修

行樂茶亭縣西四里孟家凹詹廣積建並捐田施茶

五社亭義莊舉人楊琬捐田九石養族中老賑五社飢

蔭樾亭縣西五里飛沙凹縣紳李性英唐成謀易耀南

募眾倡修

西顧亭縣西七里

曲江亭縣西十二里縣紳唐啓虞唐鏡心捐建置田爲施茶費

我我亭縣西十五里藍江市亭側茶肆三間吳山簡倡建與吳珮崇各捐田一畝爲施茶費嘉慶續志

寒瀟凹茶亭縣西十五里節孝詹顯緒妻夏氏建嘉慶續志

草塘茶亭縣西十五里監生郭精一捐田施茶

江家洞茶亭縣西十五里陽宣愷陽文蔚唐成清唐成

竹唐成岐劉朝國倡建嘉慶續志

稠樹山茶亭縣西二十里公置施茶費田二畝八升

兩樂亭縣西二十里

同治常甯志

卷三

市亭

五

兩益亭縣西二十五里

五里牌茶亭縣西二十五里唐志旭賀維時賀允純唐

志峰賀安泰雷諦萬雷維才倡建曾尙德兄弟捐茶肆

一所公置茶田嘉慶續志

望仙亭縣西三十里文生王世祥等募建以望仙嶺名

四達亭縣西三十里段紹蘆謝廷樹倡建公置田二畝

東山市茶亭縣西三十里國學吳汝周妻張氏建捐田

爲施茶費

成溪灣茶亭縣西三十里胡周井建

見心亭縣西三十五里土橋洞縣紳吳鎬崇建捐田三

畝爲施茶費嘉慶續志

張家嶺茶亭縣西三十五里亭側茶屋一所雷正常胡

發元倡建雷姓公捐田五分雷仁長胡元興各捐田一

畝王榮洪後嗣捐田二畝

五家園渡亭縣西四十里胡良鵬雷鵬倡建

花橋茶亭縣西四十五里監生吳山階建嘉慶續志

三所亭城北薛公橋畔道光三十年縣紳李衡等倡建

雷家嶺茶亭縣北二十里雷奇發監生雷友明等建並

捐茶田嘉慶續志

橋渡

同治常甯志

卷三

市亭

六

廉政橋縣城西門外又名西橋跨宜水上一座五拱宋

淳祐四年造元皇慶二年達魯花赤金剛奴敦武重造

部使以其行政廉也名曰廉政橋進士宗道傳明成化

二十三年千戶方政知縣謝廷舉易以石萬曆十九年

知縣譚可教改建知縣陳勳繼成之

知縣陳勳記常甯城三面臨江在西者源發黃崗流達衡湘要津也舊有橋接觀音閣上值桃花古洲積沙爲基萬曆辛卯一夕傾往來病涉者歲餘前令譚公道軒謀復建之相厥勢下舊橋數十丈有石湍橫互若天鎖長江者喜曰可以基矣商縣中士大夫暨青衿耆舊咸樂助焉命工經始以遷去余壬辰來蒞基幾尺許謂前功肇啓勸相靡置癸巳四月拱始合橫流驟至復傾時縣署學宮修理廢墜無甯日余亦弗暇議及徂冬各役就緒念徒扛歲舉亦王政一節有司所當加意者况募費尙半前料猶存苟力爲之或可不至溼廢率諸首事

續圖之沿鄉勸借原輸之數會歲大祲無一二應各工
咸告匱矣余弗獲已量出贖緩給之發使歸農僅畱什
之三四撮預備倉穀五十石資其餼廩隨將自理贖穀
陸續補倉並給匠作民有犯量輕重多寡收贖以資橋
費經營數月拱復合命軍民各總分派小甲逐日輪挑
砂土以實其中再七日而橋始成基闊二丈二尺面二
丈高二丈許長一十六丈計工匠凡五千五百五十二
力役凡二千三百四十五各鄉資助銀穀共一千有奇
余助銀二百一十二兩八錢四分穀二百四十二石經
始於辛卯九月落成於甲午十一月前後調度歷三年
不煩官帑不費倉粟不加腴削嚴糶亦不為羣口所
惑而隨力行之竟爾卒業自是編氓遵道商旅出途游
子詩人踏雪尋芳千
百世永有攸利矣

天啓元年知縣樊來聘重修

國朝康熙二十九年知縣顧奕芬捐貲重修縣紳鄧鳴唐

際翔王名成江泓周玠董役

雍正縣志乾隆二十年知縣王

同治常甯志

卷三

橋渡

七

粵麟重建縣紳周宗彝劉祚綿王萬資周義符李敬性

周仁儒周遂禮吳道崇劉明禮唐爲瑞唐有康李親男

袁存仁譚廣漢黃猷通胡潤傳瑤信李如佳張柯白永

中董役

嘉慶縣志

道光八年縣紳李文昊倡捐重修

李文昊記周官遂人以土地之圖經田野諸所謂溝洫
澮川道路畛涂莫不詳其獨未及橋梁非有所遺也蓋
五溝五涂皆有梁以木爲之歲時必一修說文橋水梁
也水上橫木所以渡也字皆從木古無石橋明矣爾雅
梁莫大於梁梁注梁即橋或曰石橋或之者疑之也至
漢李翁始有石橋頌而齊地記謂秦始皇作石橋以術
召石石自行石橋其始此乎常甯城西廉政橋匪特往
來通衢實爲縣治拱衛創始於元皇慶達魯花赤金公
再建於明萬歷邑侯陳公至國朝乾隆開橋久圯仁
圃王公來宰是邑迺集紳耆周伯良等矢公矢慎移建
於舊址之上游稱堅緻焉獨是分水當溪漲奔騰倒場
靡常迄於今基已盡壞有心者憂之謂分水壞橋難持

久勢將斬木為梁歲必一修有欲任其事不日勞甚則
日費甚卒弗舉余因呈請邑侯陳公冠山經始於丁亥
季冬未期年而告成分水凡四石取其大者長者聯以
鐵錠如生成成一石而橋之面陂者平之陷者補之橋之
旁石欄衛之橋之岸石堤培之以貞以固庶幾歷千百
年而不朽也是役也約費錢百有餘萬余既乏鞭石之
術又無擲米之能而其成功雖若有天幸實藉諸同人
之力素不喜釋氏惟是因果之說頗覺有徵始余因橋
而修分水由因得果也既余得諸同人之力又由果得
因也因因相成果果相生祇此不畏難之一念所固結
遂不憚其勞亦不計其費也維時仗助固不乏人而踴
躍慨捐則賀長吉及余甥周華林也勸捐有若某某監
修有若某某皆好義
有同心也例得備書

薛公橋城北北鎮觀前又名北橋跨潭水上一座五拱

明成化二十二年千戶方政募造天啓七年知縣王梯

重修崇禎八年攝縣事薛之奇捐俸更建因名薛公橋

同治常甯志

卷三

橋渡

八

黃鼎鉉甘棠遺愛碑粵稽虞典三載考績三考黜陟幽
明庶績咸熙凡以吏久安而後可長治也久安則民性
之剛柔民情之向背民俗之貞淫知之明處之當而吏
之才具於是乎張或曰不然雷雨解而草木生霜露降
而百物成天以作長歛藏運於上吏以仁溫義肅應於
下禮樂刑政共歲一也同天道而出治道也未可為一
二俗吏言也繫維其人其在德盛化神之時乎我薛大
公祖之攝篆於甯則類是公以別駕官於衡純粹之德
冰玉之操庇於州邑者不可勝述然兼制則難為功專
任則易為德故其蒞甯也出其謨猷以宏施濟咸得為
所欲為嚴以正民性和以協民情端以馴民俗若夫維
正之供止於足國無雜歛以貪財五刑之辭期於簡字
不口佞以折獄雞犬不驚桑麻如故未期年而治道成
焉屠牛垣一朝解十二牛而芒刃不頓者其排擊割剝
皆中理解也公之蒞甯亦猶是是則其治民也大而其
所以待士者尤深摯焉父之於子也尊而親祖之於孫
也尊而不親亦曰禮在則然耳公曰否循分御士非予
之所樂行月取多士而課之評文一歸於大雅語必盡
言言必盡意降公祖之尊下而謀函丈几席之親抑何
勤勤懇懇若斯也今歲公主童子試所拔皆樂泮水莫

不頌公之衡文若合券然至其百廢具舉如城郭署舍
煥然更新未可悉數而捐奉之廣用工之繁不勞民力
以成惠政莫北橋若也今新任徐侯至借寇再難願矣
猶得分潤湘波吸其無盡之澤乎崇禎丙子仲春望日
國朝康熙十二年知縣張開明重修二十九年知縣顧奕

芬重造縣紳劉禹智倡首庠生黃璟鄧鳴蹇叔裔鄉耆

雷光輝周敏經廖永鴻丁逢陽督役

教諭周之謨記事創於數百年之前與繼於數百年之
後二人者恆相須也夫世患無其人耳有之則成敗興
廢之天莫或自主而反退聽於人常甯北門外有橋創
自宋清熙懋元明數百餘年民不病涉圯於崇禎甲戌
冬時衡別駕薛公攝邑篆而重建焉更其名曰薛公橋
閱四十二年乙卯春漲全橋倒塌正值戎馬蹂躪水旱
洊至劫運未平民財告匱行人嘆褰裳者七年於茲矣
顧侯來蒞茲上臨流興嘆詳請藩憲薛公薛公即原署
事別駕公子也慨然捐貲二百餘金各上憲及同官道
經常甯者咸樂為助餘皆取辦於侯度其規制離舊址

同治常甯志

卷三

橋渡

一十餘丈鳩工舉事自壬戌秋至癸亥計石工一百八
十役夫一萬二千白米五百石朱提九百餘兩長三十
丈廣如舊制一丈六尺顧侯之德不亦縣互垂久遠哉
竊自封建易為郡縣幅員既廣天子不能遍歷者寄之
方伯方伯不能遍歷者寄之守令今侯夙夜經營一舉
而就薛公因橋以傳侯之良法美意兼同薛公橋以
傳嗟夫為之前與為
之後皆存乎其人也

五十八年庠生白碩因橋面大隄冰雪時行人多墜糾

眾平之雍正縣志乾隆四十四年縣人重修後水漲河淤岸

傾橋陷嘉慶十六年知縣趙勳督縣紳詹顯纁吳山高

唐成珀梁名耀周化南唐志權王國臧張子清唐先榮

鄧開芳重修開新河二里許明年改建南岸一拱由是

水行申道招佃墾洲納租為修

文廟費

嘉慶縣志續志道

光三十年知縣孫涇督縣紳譚景誦張世鵬李衡晏琢章陳忠劭陳忠廷郭楚孝廖瞻韓補修新建礪岸改疏河流

步雲橋縣城北門外又名草橋一座五拱士子鄉試知縣於此餞行登科父老於此候歸因名曰步雲橋明成化十六年知縣吳景明千戶胡海重修

國朝康熙五十二年縣紳白碩鄉耆鄧汝臣周惠人羅應呂谷生芝等糾眾復造雍正縣志乾隆四十二年增設欄杆

晏嶽生督役嘉慶縣志

下廊橋縣城東門外一名下欄又名東橋明成化十年

同治常甯志

卷三

橋渡

十

千戶呂祥造雍正縣志

國朝乾隆四十七年縣紳郭國仰李如桐白璧劉經邦鄧開興重修嘉慶縣志道光十七年李承皋倡捐重修

右環城之橋

曲潭橋縣東十里一座三拱明成化閒知縣謝廷舉重修上有亭

知縣趙泮過曲潭橋詩雲根分派遠肱折曲潭深野鶴飛天際蒼龍跨石澗楓飄霜葉赤日射酒盃金迎送勞賢俊千年幾度臨

國朝康熙十一年知縣張問明重修三十五年縣紳李良標李良舒李長秋李長且募眾重造雍正縣志

季良樓記宜陽無大澤洪瀦匯而為江者類皆溪淵源
流一二日雨即有撼山拔岸之勢其自南而東者奔放
數十里至此盤旋委折幽深黝黑杳不可度所云曲潭
良有由也昔有石橋為宜柳諸郡邑官道傍古樹數株
陰翳蔽日盛夏行人咸憩息焉王子春溪水泛漲傾塌
一拱邑侯張以振作有為之才興衰起做五載之內靡
所不周慨然以修復此橋為任捐資給助予族內無不
樂有是命備聲赴事儼若響應故五閱月而成是役也
集眾腋以成裘萃羽毛而織錦諸長者之力不可忘而
予族之勞亦不可泯至於潤天漢之波輝斗極之曜事
無不成功無不著則張侯位育
之德也用鐫於石以垂不朽

乾隆二十一年縣紳李逢聖重修

知縣江恂記曲潭距常甯城東十里明一統志稱潭水
源出桂陽今按縣南金龍巖故桂陽地巖東山上有天
潭又一水從天窗巖泉北流名砭石水正當天潭之西
經流所溢貫巖上石背伏行從巖之右腋出至縣東仍
入砭石水而曲流以注於宜水此曲潭所由名歟其水
泛濫湍激適當耒榔孔道過者難之舊有石橋山水暴

同治常甯志

卷三

橋渡

十一

漲衝斃時有厯前成化及本朝康熙重建者再其開
歲修不計自後斷缺基址盡壞土人猶設木板檣柱綴
結危不容趨靡不隕越是懼水發時木漂如芥負載往
來輒自涯而返夫橋梁之政周禮司險掌之春秋傳單
襄數語特切蓋古者民閒興作無不統之自上以故百
廢舉而民無病也今之邑合為一方長當體此意哉願
當數年歉收後守土者又遷調不常因循廢墜待整頓
者頗眾余之承乏半值豐稔諸務稍可給而邑人風近
古樂趨公義爰召而議之節俸為導而李氏踴躍樂捐
不終日而費集建橋一十五丈六尺穹梁大柱為鞏者
三下礎以鐵石而梯級概山石為之役工凡數千閱時
至十旬橋成民咸樂之而余亦竊幸而樂其成也邑人
以記請余奉調新設之邦忽忽以去逾時始得序其
功哉徵收斷聽黽勉文法中以求其過猶有未贍而斯
橋特我民之自急其病皇曰合為之利濟乎徒滋愧矣

四十八年李如桐重修

嘉慶縣志

山坊橋縣東十里賀正賢募造庠生李長舒募修

雍正縣志

天馬橋縣東十里康熙五十六年庠生李實捐造雍正縣志

李遷橋縣東十里千家灣康熙五十二年李日瑞妻黃

氏捐造雍正縣志

化龍橋縣東三十五里上浯貢生廖棟造雍正縣志

小陂橋縣東四十里明知縣陶敬圖造雍正縣志

清溪老橋縣東四十里徐山金倡建後圯一拱其子有

相倡捐補修

清溪新橋縣東四十五里尹星文曹正冕尹邦俊陳智

選倡修

金沙橋縣東北十五里雍正二年庠生李實造雍正縣志

同治常甯志

卷三

橋渡

十一

右東鄉之橋

南石橋縣南二里明成化二十二年知縣謝廷舉重修

國朝乾隆五年庠生黃又赤募族重修雍正嘉慶縣志

伍家橋縣南五里張聰兄弟五人造嘉慶縣志

南關橋縣南十里乾隆十九年張淮妻段氏造嘉慶縣志

銀蠟橋縣南十五里康熙四十九年庠生李實李繼白

造雍正縣志

長江橋縣南十五里嘉慶縣志

八十畝橋縣南十五里朱田段姓造嘉慶續志

尹家橋縣南二十里乾隆二十六年尹姓造尹姓公捐

田十六畝尹學易妻歐氏捐田一畝五分嘉慶縣志

泉江橋縣南二十里明崇禎四年黃廉政造嘉慶縣志

壽翁橋縣南二十里乾隆間彭韶武造嘉慶縣志

高橋縣南二十五里彭姓造彭如恆重修嘉慶續志

煙竹寺橋縣南三十里老橋係公建新橋係監生彭徵

仕兄弟奉母命建捐田七畝為後修整費

廣濟橋縣南三十里白家山庠生白碩造雍正縣志

朱家橋縣南三十里雍正縣志

會仙橋縣南三十里

毛詩記會仙橋踞邑南三十里本名巡檢橋元時立巡檢司於其地以官名橋即以地名之又名會仙者

同治常甯志 卷三 橋渡 三

居民云曾有眾仙會此其說終涉誕妄攷常邑輿圖橋西南上游為塔山相傳宋時有道姑真懿攜昇國公主修真其開公主真宗女也主自北來南意者香車偶憩後道成仙去因會仙其名歟且循橋上里許有小橋亦名會仙又上三里許曰神仙洞是主所經地均以仙名會仙之說證諸此尚得其似其橋以水漲久圯咸豐六年粟明柔等贖錢重修計長七丈五尺有奇闊一丈七尺有奇高如之兩岸贊礮又各二丈有奇蓋較前增其式廓費金八百餘丐余言紀其實余聞而喟然曰有是哉費鉅工繁石梁永固非若徒枉輿梁之歲待一修也繼自今南通東粵北達衡郡東踰郴耒西越永寶人不病涉行且偶憩興懷如會仙大羅天上條然意遠皆諸君之賜也抑聞仙以渡人為心今建橋廣渡行人殆即以仙心為心夫人而以仙心為心則所以利濟人者豈徒此橋乎哉

上星橋縣南五十里常甯桂陽分界處

右南鄉之橋

李廣橋縣西一里

雍正縣志

謹案橋水東流入宜水

名廣者於前明肇建因名李廣橋厥後唐文恭自河

洲至李廣橋路逕三十里溪梁十有四獨力修之

雍正縣志

文家橋縣西三里明成化二十二年千戶方政造

段永頰記略明永樂間文炳出已賞建石橋人因以姓

稱其後成化間重葺主之者張邑侯佐之者方千戶

國朝康熙間唐李黃尹諸人

與文茂之瑞之協力重修

沉山橋縣西五里

雍正縣志

金架橋縣西五里

雍正縣志

胡仕彬王仕學詹文海胡國章

造乾隆四十九年監生唐有善武舉胡金枝儒士詹顯

同治常甯志

卷三

橋渡

明募眾重修

嘉慶縣志

泥江橋縣西五里

踏臨橋縣西六里

雍正縣志

陽臨橋縣西九里

梁家灣橋縣西十里同治四年王士俊重修

王家橋縣西十里王國侃重修

譚家橋縣西十里

會江橋縣西十里易賢穎募眾倡造

嘉慶縣志

杉木橋縣西十里吳氏造

謹案此橋即

經元橋縣西十二里縣紳唐侃張左泉造

雷家橋嘉慶

續志誤作兩橋又誤經元為貢元

彼時橋以正月成故借名經也

馬嘴凹橋縣西十二里

石欄庵橋縣西十五里

興隆橋縣西十五里明成化間千戶方政造雍正縣志

鴉鵲橋縣西十五里厚雅田王氏造嘉慶縣志

梁木橋縣西十五里

步雲橋縣西十五里藍江市下明庠生吳步雲造

國朝嘉慶十七年步雲嗣孫山簡倡族重修嘉慶續志

四景橋縣西十六里庠生吳國瑜重造嘉慶縣志

蔭山橋縣西十八里詹唐兩姓造嘉慶十九年唐成瑗

劉永忠劉永孝劉雷氏重修嘉慶續志

同治常甯志

卷三

橋渡

青閣塘橋縣西二十里

上馬橋縣西二十里藍江市文生廖國鵬廖國楷倡族

重修嘉慶續志

馬橋縣西二十里走馬嶺下接橋有亭吳楚璧倡修

石坡橋縣西二十里明時造

國朝乾隆二十八年監生唐晉倡眾重修嘉慶續志

桃花橋縣西二十里嘉慶縣志

木葉橋縣西二十里

新橋縣西二十二里嘉慶縣志道光二十八年賀芋齡輯齡

等募眾重修

父子橋縣西二十五里唐文恭父子造

嘉慶縣志

定波橋縣西二十五里唐璣唐勳唐成均倡造

嘉慶續志

荷葉塘橋縣西二十餘里

自生洲橋縣西二十餘里

鰕公橋縣西二十餘里

桐木橋縣西二十餘里

大栗橋縣西二十餘里

塘頭橋縣西三十里

成灣塘橋縣西三十里

大伯橋縣西三十里

同治常甯志

卷三

橋渡

十六

莊泉橋縣西三十里

嘉慶縣志

謝家橋縣西三十里賀時佑募造

嘉慶縣志

大陂橋縣西三十里唐添震造

嘉慶縣志

咸豐十年添震裔

孫成貞倡率一派重修

唐標大陂橋晚望詩散步橋頭興正長佳山佳水肯尋常提線婦灌蔬園數驅犢兒歸舊路忙四顧平疇青未了一灣曲湖綠疑光感懷前烈人何在古碣猶留姓字香

土陂橋縣西三十里道光二十年郭正仰郭連登王祖

典胡世鏞募眾重造

郭興元記吳水有三源左出甯遠石鼓園至本邑鵝院與源出南冲園者合流右出杉樹液麻山厯東山莊泉至土陂與左流合土陂祁常孔道也其合流處有石橋久圯明崇禎閒邑人黃廉政重修之知縣劉公紹璠勸

俸以助並為之記橋二拱右址因山左址依岸製壯甚
百餘年來因山者屹然依岸者屢擊洪濤沙傾岸闊橋
遂圯且廢工繁力鉅無敢議修舉者右水上舊有石橋
距合流處數十弓居人因於左水之上梁焉以達於右
而改孔道所經值大水梁隨波去數日水退覓諸下流
或購支他木往來者苦之道光庚子族老欽圃及余胞
叔祖庠生來獻胡公振廷監生王公寅齋募貲貲石數
月告成不鏤文垂久一若善怒人知者晚近士大夫崇
尚虛無捨金錢奉土木偶自謂功德若邱山不知田園
賦稅適供羣髡輩酬參之資即其徒恪守清規亦第利
濟數十輩窮民耳較諸斯橋之利濟千萬人功德廣狹
奚似橋之成距今三十年矣當日之慘淡經營一余
所親擊其取材也舊者十三化無用為有用新者十七
擇近水者伐焉則勢便而程速也欽圃公幹且勤凡石
工木工土工各有籍記載星出入稽眾寡勤惰至訖事
如初三公亦日至河干監視焉則工捷而費省也初舉
事懼山溪暴漲橋無以持久先於其陽累石為岸左右
並高丈許長十餘丈橋既成復以餘貲整理右水之橋
修孔道自橋畔至西關幾三十里則思深而事周也夫
君子利濟斯世固有其大者遠者即諸公生平亦自有

同治常甯志

卷三

橋渡

七

卓卓可傳者在一橋耳奚暴詡為然而滄桑陵谷自昔
興悲是橋也成誠足彌昔人防不及防之憾安知千百
年後不更有諸公所不及防者待後人彌
其憾哉是不可不表而出之以示來許

朱江口橋縣西三十里乾隆間造同治元年劉昭儉重
修

甘家橋縣西三十二里乾隆間造同治元年張華高倡
捐重修

張家橋縣西三十五里乾隆末胡元興雷奇貴倡建同
治二年胡豐春等倡捐重修

壽江橋縣西三十五里庠生江泓造

雍正縣志

界圓橋縣西三十五里乾隆三十八年張文盛募造

陳家橋縣西三十五里嘉慶縣志

土橋縣西四十里雍正縣志

花橋縣西四十里

安邦橋縣西四十五里葉家坳明嘉靖三年鄧才富後

裔造橋以內納山花糧橋以外納屯民糧

半仙橋縣西四十五里岸畔有石半入江中費半成橋

庠生滕雁倡款重修嘉慶縣志

青湖橋縣西五十里大堡雍正五年王化理王化遂王

天與王天誕王天禎糾眾造雍正縣志

右西鄉之橋

洪瀟橋縣北十五里明宏治間知縣許昇重造

國朝康熙八年知縣張問明重修雍正縣志

灣沚橋縣北十五里道光十四年監生易兼三造

大橋縣北十五里雍正縣志

版橋縣北三十里雍正縣志

袁家橋縣北四十里康熙四十六年庠生鄧簡臣造

桑橋縣北四十里雍正縣志
作雙橋

東坡橋縣北四十里州同李鶴白李中白庠生李師白

李錦白同造雍正縣志

李祖橋縣北四十里康熙五十四年庠生李實監生李

奕白造

雍正縣志

姚家洞橋縣北四十五里樹根生成不假石甃

大興橋縣北五十里咸豐七年重修

雙腿橋縣北五十里

嘉慶縣志

火田橋縣北六十里

嘉慶縣志

同治二年谷化龍谷玉樹劉

詩駒倡捐谷鎮南湯智理等多金重修

高橋縣北六十里

嘉慶縣志

陽武橋縣北六十三里

新橋縣北六十五里

右北鄉之橋

同治常甯志

卷三

橋渡

九

義田渡縣東八里咸豐五年職員李先鳴立捐田六畝

八分又義江亭同治八年先鳴妻廖氏命男澤立

白馬渡縣東五十五里

雍正縣志昔有白馬夜害人稼伺者斷其足奔入河中化為

白石秋冬水落石出尾鬣頭蹄具備惟缺一足

衡頭渡縣東五十五里

雍正縣志

陽隔洲渡縣東七十里

雍正縣志

右東鄉之渡

學前渡南關外雙蹲書院前庠生詹玉書周化南倡立

左大全陽盛拔倡眾重修

嘉慶縣志

下耙渡縣南八里

雍正縣志

曾建石橋道光十年圯仍立渡

眾捐置田數畝文生張如春捐田一畝

南陽渡縣南十里張方懋捐對河田三畝

嘉慶縣志

渣淋渡縣南十五里張維忠妻鄧氏捐立

嘉慶續志

煙竹市渡縣南二十五里

雍正縣志

右南鄉之渡

譚家坪渡縣西五里武舉胡金枝文生唐霖邑民譚

山倡立

嘉慶縣志

道光二十年監生王式金胡玉泰武生郭

純陽等倡捐置田八畝同治二年文生譚鎮楚置渡船

譚運琳武生胡近光倡修渡亭

唐家灣渡縣西十五里

雍正縣志

乾隆二十九年唐有康王

同治常甯志

卷三

橋渡

二十

邦賢何又用何廷諭何東亮倡立置田十五畝唐有庭

捐田二畝六分

嘉慶縣志

沙坪渡縣西二十里

嘉慶縣志

河洲上渡縣西三十里乾隆三十五年文生賀代儒倡

立捐魯草坪田十畝賀姓捐田四畝五分眾姓捐買田

八畝

河洲下渡乾隆三十六年賀鄧氏命子允啟捐立置川

塘田十畝謝家橋田五畝

嘉慶縣志

糧船鋪渡縣西三十里庠生詹霽詹顯運倡族捐田七

畝詹名楫詹名棟倡建渡亭

嘉慶續志

蔣了堡渡縣西北三十里監生唐志權詹名杞倡立一
陳紀灣渡在蔣了堡上咸豐八年從九方行恭文生劉
世冕監生唐晉倡立

江口渡縣西北三十里

雍正縣志

小家灘渡縣西三十里下有對江渡又下有小河渡

高灘渡縣西三十里雷奇仁雷正茂倡立公捐田三畝

雷奇佳胡元興倡捐置田三畝

五家圍渡縣西四十里雷鵬胡發魁倡捐建渡屋一所

郭學魁郭學純各捐田二畝楊景都王祖曾各捐田一

畝曹維亮捐田一畝二分雷姓公捐田一畝

同治常甯志

卷三

橋渡

三

右西鄉之渡

柏坊渡縣北三十里

雍正縣志

張家渡縣北四十里咸豐閒衛千總譚鎮湖新置一舟

捐田十畝零

松柏渡縣北五十里陳爾學陳爾秀捐置田畝爾秀曾

孫聖泊倡修船隻

嘉慶續志

舊朱陳各置一船現朱姓新置

小船陳姓與眾新置小船

大漁灣渡縣北五十五里有石亭

右北鄉之渡

同治常甯志卷三終